



Kumin chhungin kan vengin mi 21 kan thlah liam ta.

Chanmari West, July 15 : Ni 13.7.2012 (Zirtawpni) thlengin kan veng chuan kan thlanmualah mi 21 kan vui liam tawh a, ruang chhuak mi 7 kan nei tawh baw. Hetih lai hian Chawngbawla Section chuan mi 7 thlah liamin, Chatuan ram pan ngah ber an ni, mipa 17 leh hmeichhia 4 an boral tawh a ni. Thla 6 leh a chanve vel kan hman chhung a, mi 21 lai mai kan thlah liam hian thla tin mi 3 aia tam hret ang vel zel boral ang kan ni a, nula tlangval an hah khawp ang.

Kumin chhunga chatuan ram pan mi 21 kan neih zingah hian lumen ngai chu mi 9 an ni. Kan veng hian chhiat tawh chungchanghian kan theih ang tawkah chuan kan ti tha thawkhat a, Tlangval thlan lai pawh an tha khat a, nula thingpui sem pawn an hna an tlin a, amaherawhchu hmasawn zel tur kan nih avangin tan kan lak thar zel angai a ni.

Kumtir lamah khan YMA chuan chhiatni fund hi a khawn turin a ruahmana, category A, B leh C-ah thenin chhungkaw tinah khawn a ni a, YMA record atanga a landanin chhungkaw 1238 kan awm a, heta tang hian chhiatni fund hmuh kan beisei zat chu Rs 270400 a ni a, kan hmuh zawng

zawng chu Rs 2,70,525/- a ni a, kum hmasa lama sum awmsa Rs 29,608/- a ni baw. Chhiatni fund hi chhiat thil hrang hrangah leh information mike siamthatna atan hman theih tura ruahman a ni a, hetiang hi kan hman tawh dan a ni - thihna thilah Rs 71,916/- , Information mike siamthat nan Rs 15,425/-, kuang leh kuang mamawh atan Rs 45,235/- leh lung lum tanpui nan Rs 3,500/- a ni.

Kan veng chhunga Non-Mizo (foreigner ni lo) awm hnen atangin chhiatni fund hi khawn a ni baw a, Chawngbawla Sectionah 14, Vanapa Sectionah 14, Taitesena Sectionah 6, Neuva Sectionah 5 leh Khuangchera Sectionah 2 an awm a ni.

June thla thlenga Section hrang hrang Chhiatni fund luh tawh dan

Section	chhungkua zat	Hmuh beisei	Hmuh zat
Chawngbawla	237	56000	57375
Vanapa	263	60300	57250
Khuangchera	241	54700	55400
Taitesena	316	62500	62600
Neuva	181	36900	37900

Local Council

- ☞ Chanmari West veng chhunga Gas Point hrang hranga Card awm zat:
- 1 Pu Kawlkunga 136
- 2 Pu H. Lalrawna 120
- 3 Kawipui I 109
- 4 Kawipui II 108
- 5 YMA Park 139
- 6 Pu Lalmalsawma (Sena) 173
- 7 Pu Sapliana 153
- 8 Pu Vanlaltanpuia 140
- 9 Pu R. Thanhawla 147
- 10 Pu Dengthanga 113
- 11 YMAZawlbuk 127
- 12 Pu Vanlalduata 109

- ☞ Biakkungi Gas Agent-a Consumer Card nei, Chanmari West Address nei chauh Local Council Card pek chhuah a ni. Report tawh chhinchhiahna awm pek chhuah theih a ni tawh lo.
- ☞ Veng chhunga rawn pmlut thar tan LC/VC/YMA Pem Lehkha nei lote chu Card pek chhuah theih a ni lo.
- ☞ Local Council hna Card la chhuak thar turte tan Local Council Vice Chairman Pu H. Lalramhluna T-57/C hnenah Rs 10 kengin Card thar lak theih a ni.

Branch News

🐞 Tunkar Ni 17.7.2012 (Thawhleh) zanah khian Branch Executive Committee meeting tum a ni a, memberte lo inruahman tur a ni e.

🐞 Central Road-in national highway a pawhna lai siamthat hna chu Branch YMA-in a thawk mek a ni.

🐞 Veng chhungah chhiat tawh kan awmin member leh hruaitute tan la thar leh turin kan inngen e.

🐞 YMA Park leh Sub Centre kawtah motor leh bungrua dah phal a ni lova, hetiang lo dah thinte hian khawngaih taka dah tawh lo turin kan inngen nawn leh a ni.

🐞 Nimin Ni 14.7.2012 khan khawpui chhunga Disaster Volunteerte Central YMA hall-ah rikrum thil chungchang zirho turin kohkhawm an ni a, kan Branch President Pu T. Ngurkhuma leh Disaster memberte an kal.

🐞 MPL play off khel mek kan veng football club-ten tha taka an khelhel zel theih nan duhsakna an hlan a, an khel leh hunah YMA member a tam thei ang berin ensak turin an ngen.

LUSUN KHAWHAR

Heng mite hian tunkar chhung khan min boral san a, an kalsan an chhungte kan tawrhpu tak zet a ni.

1. Ni 10.7.2012 khan Sarah Lalduhawmi Kum 5 D/o Roluahpuii 'N' Section
2. Ni 11.7.2012 khan kan member Pu C.Lalrinthanga Kum 53 H/o Lalhlimpuii 'T' Section
3. Ni 12.7.2012 khan Pi Vanlalnghaki kum 88 M/o Lalrinsangi 'CH' Section.

TUNKAR CHANGVAWN

“Tlansan suh la, a veng ang che Pawm tlat la, a hum ang che”.

Thufingte 4:6

Editorial Board

Editor:	J.Lalnangliana	9862399658
Joint Editor :	Lalchhandama	9862358347
News Editor :	Thangkhuma	9862303135
	R. Lalrinnggheta	9862358337
	Jacob Lalrinsanga	9612319779
Cir.Manager :	Johny Lalthanpuia	9612359161
	EVL. Hruaitluanga	9862655426
Production Manager :	R.Lalmachhuana	9436151817

Branch Office Bearer

President	T. Ngurkhuma	9436190843
Vice President	R. Lalmachhuana	9436151817
Secretary	RL. Thanhnuana	9436152760
Asst. Secretary	Zairemmawia	9862385654
Treasurer	C. Lalzarliana	9436142049
Fin.Secretary	K. Darthantluanga	9436196071
Adviser-te :	<i>Pu Lalbiakthanga Khiangte</i>	
	<i>Pu Rothuama, Pi Zamanthangi</i>	
	<i>Pu Lalrengpuia Sailo</i>	

Editorial :

Kum chanve tha lam kan lo hmang ral ta a, kan vengin chhiat kan tawk thei mawlh mawlh hle mai a, lusun chhungte an khawngaih thlak a, YMA memberte pawh an hah hle a ni. Veng lian leh mi cheng tam nih hi chuan hei hi kan chan tur a nih pawh ring ila, Pu Valte'n kan dam ang a, kan la thi zauh zauh a tih kha.

Kan vengin harsatna kan tawh chang hian thil lawmawm deuh lo lang thin a awm a, chu chu kan tan rualna hi a ni. Kan hruaitute hi mi chak leh fing pui pui an ni hnan lova, amah-erawhchu, an phak leh theih chin chinah hi chuan an inpe ve em em a, chu chu memberte pawh hian hriain chak leh tha takin kan zui thin a, a ropui hle a ni.

Kan kalphung leh danah hian duhthusam chiah lo pawh tam tak a awm ang, tupawh hian siamthat angaih chuan siamtha turin ke pen ngam ila, kan hruaitute pawnin mahni inhmuh thiam a har avangin an hre vek kher lovang, memberte pawhin sawisel mai lovin, hrih hre thin ila a tha khawp ang. Hmasawn zel tur kan nih avang hian kal phung thar tha zawk chu kan hruaitute pawh hian zawm ngam zel a ngai a ni.

Article :**WHERE ARE YOU NOW?**

- Mangheta Râlte, V - Section

A tawngkau chheh hi a dik em? tih pawh ka hriat loh? Ka hman hun hian Grammar ramri a pel em? tih lam phei chu hla tak a ni ringawt. Mahni pianpui tawng a nih loh chu thuhnan, Mizo tawng pawha, 'a chhanna hrih chawpin a biak theih sâwih sâwih e' an tih tur chi, keini ang tan chuan, 'a sang em a, ka phak lo a ni' tih mai loh chu sawi tur a vang khawp mai. A lo dik lo a nih paw'n, 'Min dem lûl s'u, Lenrualte u' kan ti leh mai a niang chu. Chuti ni si, eng vanga he tawngkam rawn pho chhuak ve ngawt nge maw ka nih lê? He tawng hriat lohina kan veng Football khawvel a tuam dan ka ngaihtuah let a, he tawngkam mawlte mai hian kan player-te leh veng mipuite chu '**Lungrualna Lammual Tlangah**' min hipkhawmin, wawi duai lo **Hnehna Hlado** min chhamtir a nih si kha mâw?

Tu sawi chhuah nge? tih lam kan ngaihtuah lo. Greek tawnga dah tur phei chu nise, kan vengah hian thiam kan tam kher lo ang. A sawitu sawi chhan hriat tum pawh kan awm lem lo. A tul ber bawh hek lo. Kan veng chhung bika he tawngkam hmang hmasatu tana he thumal tlemteina a rilrua thu a sawi thuizia leh a rilrua hmun a luah thukzia phei chu sawi ila, mak in ti hlawn viau ang. Pu Darthuama te'n, "Tlaini tinin ka zawng thin che a, Tawnni reng i awm si lo, Aw, khaw nge maw i awm le"? tia an lo thlirkual velte nen pawh khan thluk khata dah a, a phekk indawt chiah rem tur a ni e, pawh lo ti la, i tvisual thui lutuk lo turah ka ngai ve ngawt a.

Kan hruaitute hmalaknain Vodafone Cup 2012 khel turin ruahmanna alo awm a. Chutah lê, "Where are you now"? tiin veng chhunga Football player-te leh a tuimite a ko chhuak a. A tawi zawngin sawi ta mai ila, player-te'n theihtawp an chhuah rualin, he tawngkam hmang bawh hian, veng mipuite phungbawmah sawmin; mi inphalte thilpek leh veng mipuite tawiamna zarah Pathian malsawmna dawngin tun dinhmuna kan veng tana chhinchhiahtlak hnumhma kan hnutchhiah ta reng mai.

He tawngkam tawiteina mite thinlunga thu a sawi nasat theihzia hi kan ngaihtuah ngai em? Hruaitu, player leh veng mipuite chu, "Where are you now"? tiin kan inzawng chhuak a, kan tangrual a, 'chenna ngai loh ram kan fang tlang ta' a nih ber kha maw? He zawhna hi a chhangtu an awm apiangin mihringte nuna harsatna hi engemawzat chu sutkianin alo awm thin a ni. Mordekaia'n a fanu (a pami fanu), Lalnu Estheri hnenah, "Lal nihna ilo chan hi hetih hun atan ngei han a ni dawn lawm ni"? (a tawi zawngin

"Where are you now"? tiin tanpui turin a sawm a, chu sawmna chu tihhlawhtlina alo awm chuan Juda hnam pumin an him phah ta a nih kha.

He zawhna ngai bawh hi Chanmari West hian a khua leh tuite hi min zâwt reng a. Min zawhna hun leh hmunte, min zawh dan kîte hi a inang lo mai chauh zawk a ni. Lumen zân te, Thlanlaihna hmunah te, Khawhar In leh Hnatlanna hmun atangtein âw nêh leh zaidam takin "Where are you now"? tiin YMA member-te hi min ko asin. Heng hmunahte hian i hmeh hmuh tum reng rengin YMA hian a mit a len ruai ruai thin asin. Khawi hmun atangin nge he kohna hi kan chhan dawn le? Mahni in chung lum leh rizai hnuai atang ringawta chhan sen chi a ni lo. Hnathawh thawmhnaw nena, a thim avar thlu lova, he zawhna hi chhan a ngaih chang a awm fo ang. Aw Nula, aw tlangval, he khawtlang hmasawmna atana i theih tawh ti ve turin he zawhna hian a ko reng che asin. Mi dangte chhan tur chauhah dah bik suh. Sorkar leh Political Party-te hmalakna chauh i duhtawh chuan he veng hi i phatsan tlukah inngai rawh. He zawhna pawimawh tak hian i thinlunga awmzia a neih tawh loh chinah chuan mi pangngaih miin an chhiar tawh miah lo vang che tih hi pawm thlap rawh. Chhuanlam tur i zawn chung chuan i hmu em em ang. Mahse, i chhuanlam ang tho kha mi hian an tawng ve tih hria la, "I lênte kalsana he khawtlangin a mamawhna che hi i chhan a tul fo thin asin"

Vodafone Cup leh EURO-2012 te kan thlir zo ta. International player leh kan Branch YMA player-te chuan eizawmna thuhmun, Football an luhchilh tak tak dawn ta. Club Football ilo tuipui pha chiah lo a nih pawhin

Phek thumnaah zawm.....

2012 Thuvawn

*I awmdan tur chu
LALPA chungah ngat
la; Amah chu ring la,
aman a ti vek ang.*

KHUANGCHERA

Sumtuaknana NLUP signboard an siamnaa a tul anga hmalaksaktu NI Lalmuanpuii chungah te, YMA hmalakna a nih vanga tlawmngaih chhuaha ziahsaktu Pu Zotea chungah te, rawng kahna khawl hmantirtu Pu Lalrinmuana chungah te, veng chhunga a sem darhna kawnga a tul anga hmalaksaktu Local Council chungah te, an lawm hle.

An member NI Angela Lalsangpuii chuan B.Sc tha takin a pass a, an chhuangin an lawmpui hle.

An committee member Pu Lalrinmuana chuan fanu thar duhawm tak a nei a, an lawmpui hle.

Ni 14.7.2012 (Inrinni) zingkar khan signboard siam hnatlang an nei a, member thawkchhuak zawng zawngte chungah lawmthu an sawi.

YMA hmalakna hrang hrangah section hruaitute'n hruaitu an nih ang ngei a, member-te tana entawn tlaka thahnemngai thin turin an infuih thar a. Tin, member-te pawh thahnemngai leh zual turin an inchah.

Central Road kawng chep laia Motor dah a ni thin chu hnawk an ti hle a, Kawngpui hi mitin ta a nih avangin zah hram turin an ngen.

CHAWNGBAWLA

Pi Vanlalnglaki kum 88 mi chuan min boral san a, a kal san tak a chhungte an tawrhpu hle.

Faina kawngah tan la thar zel turin an inchah nawn.

Chhiatniah memberte tan la thar turin an infuih a, nu leh pate pawhin kan fate tir thin turin an ngen.

TAITESENA

An member Pu C. Lalrinthanga (52) chuan ni 11.7.2012 khan a boralsan a, an ui hle.

An Leader Pu RK Rozidinga leh Treasurer NIlalthlamuanpuii te damlo chu an that chhuah thuai an duhsak hle.

Section nula leh tlangvalte chhiatni/ thatniah tan la thar leh turin an inchah.

Thlanmual Sub-Committee

MHIP ten kuang tuamna eng emaw zat an thui saka, an lawm hle.

Taitesena Section ten tea tray pahni thlanmuala dah turin an rawn pe a, an chungah an lawm hle.

An secretary Khanpuia zin pawh dam takin a lo haw leh ta.

NEUVA

Sarah Lalduhawmi d/o Rohlupuii chu Ni 10/7/2012 khan a boral, a kal san tak a chhungte an tawrhpu hle.

Local Council thuchhuak angin Zuang Tuikhur ah insuk, inbual, Motor sil leh tui pipe te tilo turin an in ngen.

Section hruaitu leh member-te tun aia YMA hmalakna ngai pawimawh leh zual turin an inchah.

VANAPA

An section member NI Zonuntluangi d/o Sailova chuan B.A. IInd Div-ah a pass a, an lawmpui hle.

Ni 12.7.2012 zan khan Zawlbuk atangin kuang duansa pahni an la.

An section member Tv H. Lalfakzuala'n lehkhabu tha tak "Thu Ngaihnamw Huang" a tlangzarh thei chu an chhuang hle. He lehkhabu hi Rs 160-in a lei theih reng e.

YMA chanchinbu man an pe tla thei chu sub-agent Pu Lalfakawma chungah an lawm hle.

Section hruaitu leh member-te tun aia YMA hmalakna ngai pawimawh leh zual turin an inchah.

4 : 30

An fel tawh teh reng nen Tv. Hmingthana 'V' leh Tv. Mawia 'CH' ten 'weekend hi chu awm lo se kan fel ngawt ang' an tih hun a lo thleng a, 4:30 AM:- Chda mobile chu a chik tat tat a, branch Secretary zualko sms a nih palh ringin peih lo chung chungin a han en hram a, chutah Tv. Mangheta pawhin Zofa thu thar a nih hlauh takin tiin a han hawng baw a.

Zing dar 10 a tho tan chuan a hma mah mah; mahse, a hawn loh chuan sports news a lo niha a hriat loh chuan a paw dawn si tiin Tv. Ti-a chuan a han en ve baw a, vengchhung mi pawimawh? zawng zawng deuh thaw chu he hunah hian an harh rual deuh thup a, an han en chian chuan, "Janin ymao chut zan o, buk lam i pan khwm ag'.

He thu leh hun hi pawimawh tak a ni, YMAAW min ti chak a, min ti phur a, big Boss hi a dang la neih belh leh phei ila chuan aw....

KEIMAHNI

YMAAW chhutute eitur lei nan Pu C. Lalzarliana Branch Treasurer, Pu Lalchhanhima (Puia) Khuangchera Section Leader leh MHIP Chanmari West Branch-te chuan pawisa min rawn pe a, an chungah kan lawm hle.

YMAAW chhutute min tawiamtu zawng zawngte chungah lawmthu kan sawi a, kan hlimtlang baw k e.

.....phek hnihna zawmna

mite inpekna tal hi chu i hriat ve loh ka duh lo ve. Mizoram Premier League (MPL) khelh ve ngei tumin CWSC pawh a inziak lut ve ta rup mai. Club Football tha tak leh nung tak nei thei tur chuan veng mipuite kan tanrual a ngai dawn hle mai. Tun dinhmunah chuan mi inphal thenkhatte'n 'an robawmte hawngiri' kan veng Football-in hma a sawn theihnan an insengso ta ringawt mai. Mi tlemte thahnemngaihna avang chauh chuan he CWSC hi a kal reng thei kher lo vang. Nakin lawkah, "Where are you now"? tiin kut dawh a tul hun ala awm ngei dawn, chutih hunah chuan, "Engzatah nge min rin ngam ve dawn le"? tiin zawhna min rawn zawt ang, ilo ingaihtuah theuh ang u.

Chhungkaw dinhmun chu a inang kher lo, thenkhatte Inrinni tuk bazar-na ringawt pawh hi keini ang tan chuan, 'hun remchang chu awm se Pa ber hova Budget Session koh hialna tham' a tling mai thei. Mahse, hmeithaiin phal taka a neih chhun a pek khan Isua a tilawm a ni tih hriaiin, 'Kal chhuak thei lote pawhin mawhphurhna lian tak kan nei, Thilpeka rawngbawl turin' "Where are you now"? tiin he veng hian min ko asin. Engtin nge kohna chu kan chhan dawn le? "Tui mal far te te" in Ram Nuam a siam theih chuan, kan tlin taw theuhva kan tan tlan chuan he khawtlang hi a mualpho ngai lo vang tih hi i ring tlat ang u.

A tawpnan, he zawhna mawlte "Where are you now"? hian a chhiartu zawng zawngte thilnungah thu sawi mawh rawh se tih hi a ziaktu duhtusam chu a ni e.

Badminton Club

Aizawl Central Badminton Association chuan Aizawl Open 2012 (All Mizoram ranking Tournament) a buatsaih dawn a, member-te lo inbuatsaih turin an inhriattir.

A hun : 24th July 2012

A hmun: YMA Hall, Electric Veng

Open Categories:

1. Under-19 (Singles - Boys & Girls)
2. Mens Singles & Doubles
3. Womens Singles & Doubles
4. 35 + Mens Singles & Doubles
5. 45+ Veteran Singles & Doubles
6. 50+ Mens Doubles

Entry Fees : i) Under-19 Rs 100
ii) Others - Rs 200

Last date of entry: 18th July 2012
till 5:00 PM

MHIP

☞ Ni 13.7.2012 (Zirtawp) zan khan Pi Zozikpuii, Resource Person, (*Child Right Protection Cell*) kaihhruaiin, Care Project World Vision ten **Awareness on Child Protection** anrawn nei a, member kalte'n an hlawkpui hle. He hun pawimawhna hi hriaa, nu leh pate'n kalna chang hre thin turin an ngen.

☞ World Vision atanga hma laksaktu Pu C. Lalramzauva (Tetea) 'CH' chungah an lawm hle.

☞ Ration Card siam that kawnga thu dik lo leng velah MHIP te chuan mawh an phurh loh thu an sawi. MHIP chuan Local Council-te ngenna angin an pui bawm chauh zawk a ni tih lo hriatsak turin veng mipuite an ngen.

ZOFA

☞ Ni 5.7.2012 (Ningani) a Reiek a an hun hmanna thlalakte chu Cham Cham Store atangin siamtir theih a ni.

☞ Ni 17.7.2012 zan dar 7:30 ah YMA Zawlbukah lam zir leh tur a ni a, hruaitute kim taka kal turin an inhriattir.

Property Committee

☞ Ni 14.7.2012 (Inrinni) khan YMA Park a shed chhia siam hnatlang neih a ni.

☞ Secretary Pu Lalnunsanga damlo pawh tha thuai se an ti hle.

☞ Hun remchang hmasa berah Pu TC Lalhmangaiha huanah feh pah a chawhlui kil ho tur a ni.

Thlanmual kawng

Thlanmual hi Local Council thuneihna hnuai a ni a, thlanlah len enkawl hi YMA kut a ni thung. Kan hriat angin kan thlanmual kawng hi a zimin a chhuk chho hle a, mitthi kan neih hian YMA chuan Bus a hmang thin a, bus kan hman hian eng emaw chang hi chuan a hmun a thleng thla ngam thin lova, mitthi vuia kalte thui tak kea an kal a ngaih pah thin.

He kawng hi kum eng emaw chen chu kan la hmang dawnin a lang si a, churang chuan thuneitu lam hian kawng tha zawk zawn chhuah dan awm se, a tha khawpin a rinawm.

MAMA SHOE STORE**Discount Discount**

5% - 50%

Zion Street leh Millenium Centre 3rd Floor D - 73

School shoe, Smart Shoe leh Sneaker branded chi hrang hrang Ni 9.8.2012 thlengin kan discount chur chur mai, minrawn dawr ve teh.

(2-1) Mawia

Taitesena Section, Chanmari West

THIHNA

- J. Nanga

Thihna hi engkim tawpna a ni.

Thihna chungchangah hian ngaihdan a hrang thei viau awm e. A tawp hmiah a, a reh vang vang a, beisei tur a awm tawh lo thin reng a ni. Lusun manganna a lo thleng a, chutah chiah chuan nun leh dan turah thil buaithlak deuh a lo thleng thin reng a ni.

Thihna tawk chhungte hnem tur hian thihna tawk tawh vekte tan lo chuan sawi tur a vang em em a, tawngkam thiama inhnem ngawt tum chi pawh a niin a lang lo. Thihna hi tawrh lutuk tur pawh a ni lo han tih ngawt chi lah ni hek suh. Chutih laiin tuarna tak takte pawh hi dem ngawt chi chu a ni chuang si lo. Thenkhat nunah chuan thih chu thih a ni ve tawp mai a ni. Churang chuan thihna awmzia hi hriatthiam theih tak tak pawh nin a lang lo, a tuartu ber a awm tawh miao loh avangin a tuartu chhungte ngaihdanah a ingghat ber awm e.

Germany ram hruaitu pakhat chu ram danga a zin hlanin, a hmangaih em em, a fapa mal neih chhun chuan a boral san hlauh mai a, a nunah harsatna a tawh pah ang tih hlauin a thuihruaite chuan an hrih hreh a; mahse, an awm dan atangin thil dik lo a awm a nih a ring a niang, a zawt a, hreh tak chunga an hrih chuan, ani chuan, 'thi thei lo fa ka hrin ka ring lo reng a ni' a lo ti mai a ni. Mihring hi thi thei kan ni a, thi tura lo piang kan ni bawk tihah a Chiang hle a ni ang. Kumhlun tur nu ngat ila chuan Isua Krista kha hreawm hreawm tuar a, kross-a a thih a tul lo tur.

Mizo upa chuan nupui pasal insun chu dar sahtlak ang a ni an ti a, dar sahtlak sak la tuar lo tan pawh hian a nat dan tur chu a hriat mai. Thihna dangah pawh chutiang chu Mizo ngaihdan a ni tlangpui awm e. Thihna chungchangah kher kher phei hi chuan Mizo hnam hi a la lunrun pawl tak kan ni ngei ang. Kan hla tha tih theih deuh thaw zawng zawng hi he huang atanga lo chhuak a ni reng a ni, thihna hi malsawmna. Thenkhat chuan he thihna avang hian an hna emaw an nun emaw an eng emaw chanin an chhiat pah thei a, thenkhat leh thung chu an invawrh kan pah hlauh thung a, an Pathian pawh an hnaih pah hlauh thin a, lawmna thar an chhar chhuak thin. Heng zawng zawng han ngaihtuah hian thihna hi a tha a, a tha lo bawk. Mahse, kan tuar dawn tho.

Bible chuan he thihna hi a ngam siah siah khawp mai, 'Aw thihna *lehlamah zawm.....*

CWSC

☞ MPL khelhna tura sum leh pai leh thil danga tanpuina sum leh pai petute chungah lawmthu an sawi.

1. Pu Lalawmpuia (Mawma) - Rs 10000

2. Pu Lalchhandama Ralte - Rs 1000

3. Pu Zothansanga Tochwang - Rs 1000

☞ MPL Playoff khelh mek a, CWFC Fixture:

Ni 17(Tue) dar 3:00-Chanmari FC

Ni 19(Thu) dar 1:00-Reitlang FC

Ni 21(Sat) dar 3:00-College Veng FC

Ni 24(Tue) dar 3:00-Kanaan FC

Ni 26(Thu) dar 3:00-Theiriat FC

Ni 28(Sat) dar 1:00-AFC.

FOOTBALL - 3rd Division

Aizawl East Zone hnuai 3rd Division Registration tih a ni dawn a. Veng chung player, kum 20 hnuai lam tan tel theih a ni. Tel tumte chu **Ni 16.7.2012 (Thawhtan) zing dar 6:30** ah High School Field-ah practise tur a ni e. He huna kal lote chu tel an nih loh pawn an sawisel thei lo vang.

VOLLEYBALL MANAGING BOARD

☞ An hruaitu Tv F. Lalhruaitluanga chuan B.A. tha takin a pass a, an lawmpui hle.

☞ Independence Day Celebration Volleyball Tournament-a tel turin Ni 16.7.2012 (Thawhtan) tlai dar 4:30 atangin Indoor Stadium-ah practise tan tur a ni a, player-te kim taka kal turin an inhriattir.

☞ Hun remchangah Committee koh tum a ni a, hruaitute'n hunawl lo insiam theuh turin an inchah.

HMEICHHE FOOTBALL

July ni 24 atanga ADFA-in, Hmeichhe Football Tournament-a buatsaih tura veng aiawha tel duh tan a hnuai hming ziak hnenah hian in report tur a ni e.

Tv H. Lalnunzira (T-sect)

9862435780

.....*article zawmna*

khawng i tur chu' tiin a cho sak sak mai a ni. Thihna hi tawp hlenna ni lovin, nunna kawngka a nih zia a puan chhunzawm hial zawk a ni. Hla phuahu pawhin, 'thihna thihna a kan ngaih a bang tawh ang' a ti. Hei hi Isua Krista ringtute awmdan tur chiah pawh niin alang a ni.

Mihriang dam hun chung chu kum reilote a ni a, thih hnu nun chu chhiar sen loh kum a ni thung. Churangin thihna chu chtuan nen a inzawm tlat a ni.

Thihna hi engkim tawpna a ni leh lo, bul tanna a ni chauh zawk.